

आकाशवाणी

खबरां ----

- 1 प्रधानमंत्री नरेंद्र मोदी होरें आखेआ जे एनडीए सरकार मुल्लवै च सबका साथ सबका विकास सबका विश्वास ते सबका प्रयास दे बत्तै पर चलियै मुल्लवै च तेजिया कन्नै बदलाव आहनना करदी ऐ।
- 2 गृह मंत्री अमित शाह होरें आखेआ जे मोदी सरकार दे इस 11 बरें दे कार्जकाल च मुल्लवै नै आर्थिक बदलाव, सामाजिक न्यास, सांस्कृतिक गौरव ते राष्ट्र सुरक्षा दा दौर दिक्खेआ।
- 3 बीजेपी दे अध्यक्ष जगत प्रकाश नड्डा होरें आखेआ जे प्रधानमंत्री मोदी हुंदी सरकार नै मुल्लवै च प्रदर्शन दी राजनीति दे कन्नोकन्नी जिम्मेदार ते उत्तरदायी सरकार बनाइयै इत्थै बदलाव आंदे ना।
4. भारती सरकार नै एहू साफ करी दित्ता ऐ जे भारतीय नगरिकें नगरिकें आस्तै साउदी अरब जाने दी रोक आहली खबर गलत ऐ।
5. भारती अंतरिक्ष यात्री ते भारती वायु सेना ते ग्रुप कैप्टन शुभांशु शुक्ला अपनी अंतरिक्ष दी पैहली जात्तरा स्पेस एक्स दे Axiom-4 मिशन आस्तै कल शामी निकलने आहले ना।



प्रधानमंत्री नरेंद्र मोदी होरें आखेआ जे 740 करोड़ देशवासियें दे अशीरवाद ते सांझी भागीदारी कनै देसै नै पिछले 11एं बरें च बक्ख-बक्ख खेत्तरें च तेजिया नै तब्दीली दिक्खी ऐ। इक सोशल मीडिया पोस्ट च उनें आखेआ जे सबका साथ, सबका विकास सबका प्रयास दे सिद्धांत थमां प्रेरित होइयै एनडीए सरकार नै केई महत्वपूर्ण बदलाव कीते ना। मोदी होरें आखेआ जे इस दौरान आर्थिक विकास थमां लेइयै समाज च लोकें गी उबड़ा चुक्कने तगर सब्बनं पैहलुएं पर ध्यान केंद्रित कीता गेआ ऐ। प्रधानमंत्री होरें लोकें गी जानने लेई नमो ऐप पर उपलब्ध वीडियो, जानकारी देने आहले रेखा चित्र यानि इंफोग्राफिक्स ते लेख राहें जुड़ने लेई साहा दित्ता ऐ।

<><><><><><>

PM Birsa Munda

प्रधानमंत्री नरेंद्र मोदी होरें अज्ज शहीदी दिवस दे ध्याड़े पर स्वतंत्रता संग्राम दे महान नायक भगवान बिरसा मुंडा होरें गी श्रद्धांजलि भेंट कीती। इक सोशल मीडिया पोस्ट दे राएं प्रधानमंत्री होरें आखेआ जे बिरसा मुंडा होरें अपना जीवन जनजातीय समाज गी ते उंदे हकें दी रक्षा लेई भेंट करी दित्ता। मोदी होरें इब्बी आखेआ जे उंदा एहू त्याग ते लग्न मुल्खै दे लोकें गी म्हेशां प्रेरित करदा रौहगा।

<><><><><><>

Delhi-CM

दिल्ली दी मुख्मंत्रि रेखा गुप्ता होरें आखेआ ऐ जे दिल्ली सरकार नै इस रूतै च उत्थूं दा पर्यावरण सुधारने आस्तै 70 लक्ख बूटे लाने दा लक्ष्य रक्खेआ ऐ। “एक पेड़ मां के नाम” पैहलकदमी तैहत अपने मां दी याद च शालीमार बाग नमीं दिल्ली दे इक सरकारी स्कूल च इक सिंदूर बूटा लाया। गुप्ता होरें

आखेआ जे दिल्ली शिक्षा विभाग दे बक्ख-बक्ख स्कूल “एक पेड़ मां के नाम” दे दुए गेड़ च हिस्सा लै रदे’न। उनें पिछली सरकार दे इस पैहलकदमी तैहत कोई बी गैह नेई पुट्टने आस्तै निंदेआ कीती।

<><><><><><>

Assam-RS Election

असम च असमगण परिषद दे विरेंद्र प्रसाद वैश्या ते बीजेपी दे कनड पुरकायस्था होरें अज्ज होने आहले राज्यसभा दे चुनाएं लेई असम विधानसभा दे स्पीकर होरें अगगे नामांकन दर्ज कीते। वैश्या होर पैहले गै राज्यसभा दे सदस्य न ते ओहू इस म्हीने दी 14 जून गी उंदा कार्जकाल पूरा होआ’रदा ऐ। बीजेपी नै इस सीट लेई नकड पुरकायस्था हुंदा नां दर्ज कीता ऐ जेड़े सुरगीय केंद्री मंत्री हुंदे पुत्र ना। असम थमां इस्सलै 2 राज्यसभा सदस्य न जिंदा कार्जकाल पूरा होने आहला ऐ।

<><><><><><>

UAE-Yoga

संयुक्त अरब अमीरात च भारतीय प्रवासी अंतर्राष्ट्रीय योग दिवस सोयां पैहले दी गतिविधियें दे हिस्से दे तौर पर मुख्य भरै च प्रमुख थाहरें पर योग सत्र आयोजित कीते जा रदे’न। बक्ख बक्ख सामुदायिक समूहें स्वास्थ्य, जागरूकता ते एकता गी बढावा देने आस्तै दुबई ते शारजाह दे किश सबने त्वा मती मशहूर थाहरे पर अभ्यास सत्र आयोजित कीते। दुबई च अरब क्षेत्र योग प्रशिक्षक परिषद नै दुनिया दी सबने थ्वा जटिल संरचनाएं ते दुबई दे प्रतिष्ठित स्थान: द म्यूजियम ऑफ द फ्यूचर च सत्र आयोजित करिए अंतर्राष्ट्रीय योग दिवस 2025 आस्तै म्हीने भरै दी पुट्टी गिनतरी शुरू कीती। दुबई फ्रेम च, इंडियन पीपुल्स फ़ोरम एमपी काउंसिल दे सदस्यें दुनिया दी सबबनें थ्वा बड्डी पिक्चर फ्रेम संरचना दे सामने बक्ख बक्ख योग आसन ते श्वास तकनीकें दा प्रदर्शन कीता। सत्र दा मकसद योग अभ्यास ते वैश्विक स्वास्थ्य पहलें बश्कार सरबंध गी प्रदर्शित करदे होई जागरूकता, एकता ते कल्याण गी बढावा देना हा।



Shah- 11 Years

गृह मंत्री अमित शाह होरें अज्ज आखेआ ऐ जे मोदी सरकार दे इस 11 बरें दे कार्जकाल च मुखे आर्थिक बदलाव, सामाजिक न्याय, सांस्कृतिक गौरव ते राष्ट्र सुरक्षा दा दौर दिक्खेआ। मोदी सरकार दे इनें 11 बरें दी सेवा दी सराहना करदे होई शाह होरें सोशल मीडिया पोस्ट राएं आखेआ जे एह 11 साल इस सरकार नै लोक सेवा लेई लग्न कन्नै बधी चढियै कम्म कीता ऐ ते मोदी होरें इस गल्ल गी साबित कीता ऐ जे जिसलै नेतृत्व स्पष्ट हुंदा ऐ ते लोक सेवा लेई लग्न कन्नै कम्म करदा ऐ, होदे नै मुखे च सुशासन, सुरक्षा ते सेवा प्रभावी हुंदे न।



LG-ICCC

उपराज्यपाल मनोज सिन्हा होरें श्री माता वैष्णो देवी श्राइन थाहर C.C.T.V. Surveillance System ते एकीकृत कमान ते नियंत्रण केंद्र दा उद्घाटन कीता। एहदे तैहत ICCC केंद्र कटडा च ते 7 सब कंट्रोल सेंटर रस्ते च कायम कीते गेन तां जे सुरक्षा, निगरानी ते तालमेल यकीनी बनाया जाई सकै। एहदे राएं हर थाहर पर कुसै बी मुश्कल, कोई माड़ी घटना जां फी मेडिकल इमरजेंसी दौरान प्रतिक्रिया च तेजी औग। 700 कैमरे पूरे श्राइन इलाके च लाए गेदे न।



Chhatisgarh-DSP-Martyred

छत्तीसगढ़ च माओवादियें आसेआ कीते गेदे इक आईईडी ब्लास्ट च पुलस दे अडिशनल सुप्रीटेंडेंट शहीद होई गए। एह हमला अज्ज बड्डुलै सुकमा जिले च होआ जित्थे पुलस कर्मियें दी टीम गश्त लेई तैनात ही कीजे नक्सलियें आसेआ कल बंद दी काल दित्ती गेदी ही। बम ब्लास्ट च एएसपी कोनटा आकाश राओ गिरिपुंजे होरें जान मुहाई ते होर केई पुलस कर्मी बी इस हमले च जखमी होए न।

<><><><><><>

Beneficiaries

इक बेहतर, निगगर ते होर मता समावेशी राश्ट्र बनाने च अपना योगदान देने लेई लोक बी केन्द्र सरकार आसेआ शुरू कीती गेदिएं बक्ख-बक्ख स्कीमें दा लाहू ठोआंदे होई अपने जीवन च बेहतरी आहन्ना करदे न की जे बेहतर जीन जींदे होई नागरिक राश्ट्र निर्माण दे भेयाल साबत होई सकदे न। ओ लोक जिंदे कश अपने घर मकान नेई हैन, ओ अज्ज प्रधानमंत्री आवास योजना दी मदद कन्नै अपने पक्के मकान च रवा करदे न, पी.एम आयुश्मान योजना दी मदद कन्नै गरीब लोक बी अपनी बमारी दा इलाज मुफ्त कराई सका करदे न। बेटी बचाओ बेटी पढाओ स्कीम राएं जित्थें कुडिं दी शिक्षा ते सशक्तिकरण जकीनी बनै करदा ऐ उर्थें गै प्रधानमंत्री उज्जवला स्कीम दी मदद कन्नै स्वच्छता ते सेहत दे खेत्तर च सुधार होआ करदा ऐ। इस्सै चाल्ली होर केई दुइयां स्कीमां बी लोकें दे जीवन स्तरै गी बेहतर बनाने ते उबडा चुक्कने च मददगार साबत होआ करदियां न।

<><><><><><>

Nadda

केंद्री मंत्री ते बीजेपी दे अध्यक्ष जगत प्रकाश नड्डा होरें आखेआ ऐ जे प्रधानमंत्री नरेंद्र मोदी हुंदी सरकार नै मुल्खै च प्रदर्शन दी राजनीति ते जिम्मेदार ते उत्तरदायी सरकार बनाइयै मुल्खै दी राजनीतिक संस्कृति बदली दित्ती ऐ। मोदी सरकार दे 11 बरे पूरे होने पर ओहू नमीं दिल्ली च इक्क प्रेस कांफ्रेंस गी संबोधित करा करदे हे। श्री नड्डा होरें एनडीए सरकार गी प्रभावी सरकार गलाया जेडे साहसिक फैसले लैदी ऐ। नड्डा होरें 2014 थमां पैहली सरकारै गी रिश्वतखोर गलाया ते उयै नेय

माहौल गी नकारात्मक आखेआ। उंदा इब्बी आखना ऐ जे इस सरकार नै महिलाएं दे नेतृत्व च विकास गी बी बढ़ावा दित्ता ऐ।

<><><><><><>

Saudi-Govt.

भारती सरकार नै एहू साफ करी दित्ता ऐ जे भारती नागरिकें दे साउदी अरब जाने दी रोक लाने आहली खबर गलत ऐ। सरकारी सूत्रें मूजब साउदी सरकार नै इस बारे कोई अधिसूचना नेई जारी कीती दी ऐ। भारती सरकार नै इब्बी स्पष्ट कीता ऐ जे हज सीजन दे चलदे हर बारी भारी भीड़ थमां बचने आस्तै थोड़े चिरे लेई अल्पकालिक वीजें गी बंद कीता जंदा ऐ पर हज दे बाद इनें पाबंदिएं गी परतियै खारिज करी दित्ता जंदा ऐ।

<><><><><><>

Axiom-Mission

प्रतिष्ठित एग्ज्यूम-4 मिशन दा प्रक्षेपण कल संजा 7 बज्जियै 52 मिंटे पर कीता जाग। इसी नासा दे कैनेडी स्पेस सेंटर थमां प्रक्षेपण कीता जाग। 14 दिन दे इस ऐतिहासक वैज्ञानिक मिशन च अमरीका, भारत, पोलैंड ते हंगरी दे 4 अंतरिक्ष यात्रिएं गी अंतरिक्ष स्टेशन दे लो अर्थ ऑरबिट च भेजेआ जाग। सुभांशु शुक्ला हुंदे कन्नै अमरीका थमां शोधकर्ता डॉ. Dr. Peggy Watson, Poland थमां साइंसदान ते इंजीनियर Slawosz Uznanski ते हंगरी थमां Mechanical Engineer Tibor Kapu बी इस ऐतिहासिक मिशन लेई जा'रदे ना।



Special-Feature

भारत नै पिछले दहाके च महत्वपूर्ण बदलाहू दा अनुभव कीता ऐ, जेहड़ा सेवा, सुशासन ते गरीब कल्याण दे सिद्धांते थमां प्रेरित ऐ। आकाशवाणी समाचार पिछले 11एं ब'रें च प्रमुख खेत्तर च सरकार दे जतनें उप्पर इक बशेश प्रसारण लेइयै आवा दा ऐ। इस श्रृंखला च अज्ज पेश ऐ पूर्वोत्तर भारत दी विकास यात्रा। पूर्वोत्तर इक नेहा खेत्तर जिसी कदें दूर-दरेडे इलाकें दे रूपै च मन्नेआ जंदा हा, पर हुन एहू बडे गर्व कन्नै संपर्क ते तरक्की दे इक प्रकाशस्तंभ दे रूपै च खडोते दा ऐ। पिछले 10एं ब'रें च पूर्वोत्तर भारत एक्ट ईस्ट नीति दे राएं अलगाव थमां एकीकरण दी बक्खी तब्दील होई गेआ ऐ। शांति समझोते पर दस्तखत करने दे नतीजतन खित्ते च स्थिरता ब्हाल होई, हिंसा च कमी आई ऐ ते एफ्सपा जनेहू कनून दे दायरे च बी कमी आई ऐ। बोगीबील पुल, रो-रो फेरी सेवां ते नमें ब्हाई अड्डे जनेहू बधे दे राबते ते बुनियादी ढांचे आली परियोजनाएं विकास गी इक नमीं रफ्तार दिती ऐ। स्वच्छ ऊर्जा गी बढ़ावा देने दे कन्नै कन्नै पी.एम.डेवआइन ते उन्नति 2024 जनेहू आर्थक कार्यक्रम इस खेत्तर गी राश्ट्री विकास च इक महत्वपूर्ण सहायक दे रूपै च स्थापत करा दे न।



Viksit-Krishi

स्कॉस्ट जम्मू दे बैनर हेठ कृषि विज्ञान केंद्र साम्बा आसेआ इस्सलै जारी विकसित कृषि संकल्प अभियान तैहत असरदार पुज्ज यकीनी बनाने लेई लगातार जद्व कीते जा'रदे न। एहू कार्जक्रम स्कॉस्ट

जम्मू दे वाइस चांसलर बी.एन त्रिपाठी ते डरैक्टर एक्सटेंशन डॉ. अमरीश वैद हुंदी दिक्ख-रिक्ख च करोआए जा रदे न जेदी अगुवाई जिला नोडल अफसर प्रो. संजय खजुरिया होर करा'रदे ना। इस अभियान तैहत साम्बा जिले दे नड ब्लाक दे 3 दूर-दरेडे ग्राएं Hurulliyān Sodam ते समोथा च केई जागरूकता कार्यक्रम ते गल्लबात आहले सत्र लोआए गेन।

<><><><><><>

IMD

भारती मौसम विभाग नै हरियाणा, चंडीगढ़, दिल्ली, जम्मू-कश्मीर, लद्दाख, पंजाब, राजस्थान ते उत्तर प्रदेश च 11 जून तोड़ी भारी गर्म ब्हा चलने दे असार दस्से ना। तोआई विभाग आसेआ दस्सेआ गेआ ऐ जे पच्छिम बंगाल, उड़ीसा, तमिलनाडू, पुडुचेरी ते बिहार च अज्ज गर्मी ते गुम्मे आहला मौसम रौहगा। उत्तर प्रदेश ते मध्य भारत ते अगले 3 दिनें दरान बहोबद् तापमान 2-3 डिग्री सेल्सियस होने दी मेद ऐ। भारत दे बाकी खेत्तरे च अगले 3 दिनें दरान बहोबद् तापमान बदलने दी कोई मेद नेई ऐ।

<><><><><><>

Heatwave

जम्मू संभाग च जबरदस्त गर्मी दा प्रकोप बरोबर जारी ऐ। सांबा जिले च कल सभनें शा मता 43 इशारिया 9 डिग्री सैल्सियस तापमान दर्ज कीता गेआ जदके जम्मू शैहा च तापमान 42 इशारिया 7 डिग्री सैल्सियस हा। पिच्छले लगातार त्र'उं दिनें थमां बड़ी मती गर्मी पवै करदी ऐ ते केई थाहें पर तापमान 40 डिग्री सैल्सियस दर्ज कीता जा'रदा ऐ। मौसम विभाग नै अगले 5एं दिनें दरान जबरदस्त गर्मी दी पेशगोई कीती ऐ ते अज्ज केई थाहें पर तेज ब्हां चलने ते गरज-चमक दे कन्नै बरखा बरने दी मेद बी दस्सी गेई ऐ। बसनीके गी एह सलाह दित्ती गेई ऐ जे ओह दपैही दे बेल्ले खासकरियै दिनै 11 बजे शा लेइयै 4 बजे तोहड़ी सूरज दी तपश च जाने कोला बचन ते सुद्दा पानी पीदि रौहना। मौसम

विभाग मूजब, मेद ऐ जे जून म्हीने दे त्रीये हफते तोहडी माँनसून जम्मू-कश्मीर च पुज्जी सकदा ऐ।
उ'आं 20 ते 21 जून गी बी बरखा दी मेद दस्सी गेदी ऐ।

<><><><><><>